



9. juli 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Naalakkersuisut Siulittaasuata imminut ilisaritinnerani uani 2015-meersumi https://ina.gl/documents/hverv/4330_hverv_kl.pdf atuarneqarsinnaavoq Naalakkersuisut Siulittaasuata atuuffimmi saniatigut aalisarneq piniarnerlu inuussutissarsiutigigai.**

§37_211/2019-mut akissutini paatsuugassaangitsumik akineqanngilaq Naalakkersuisut Siulittaasuata aalisarnermut akuersissummik peqanngitsoq imaluunniit tunineqarsimanersoq.

- **Naalakkersuisut Siulittaasuata aalisarnermut akuersissummik peqarpa?**
- 2. Taamaassimappat; Aalisarnermut akuersissummik ukiut qassit Naalakkersuisut Siulittaasuata peqarsimava?**
 - 3. Inuussutissarsiummik tassannga Naalakkersuisut Siulittaasuata ingerlatalarlugu nammineq nalunaarutigisimasaanut ingerlatsinerlut aalisarnermut akuersissut atorpeqarpa?**
 - 4. Aqutsiveqarfimmik pilersitsiviginiarneqartumi aalisarnermut akuersissummik peqartoq aalisarnermigut aningaasatigut qanoq annertutigisumik isertitaqarariaqarpa sumiiffiup aqutsiveqarfittut pilersinnissaanut sulinerlut akuusinnaajunnaarnissamut Naalakkersuisut aalajangiissappata?**
 - 5. Naalakkersuisunut Siulittaasuata atuuffiup isumaginerata nalaani Naalakkersuisut Siulittaasuata Nuup eqqaani aalisarnermik ingerlatsinera qanoq annertutigisumik pisimava?**

(Inatsisartunut ilaasortaq Sofia Geisler, Inuit Ataqatigiit)

Tungavilersuut:

§37 naapertorlugu apeqquutinut arlalinnut akissutit uppersarsarpat Nuup Kangerluani qaleraleqassuseq suli maannamut aquneqanngitsoq annertuumik aalisartoqarneratigut innarlerneqarsimasoq, tamannalu ukiut arlallit ingerlaneranni taamaassimasoq.

Qulaani apeqquutit tassaapput §37_211/2019-imut akissutigineqartunut malitseqartitsinikkut apeqquutaasut, tunuliaqtaavorlu paaserusukkakku sumiiffimmi pineqartumi

aqutsiveqarfiliornissamut sulinermit atatillugu eqqumaffigineqarsimanersoq Naalakkersuisunut ilaasortaqaarmat annertuumik sunniuteqarsinnaasunik, sumiiffimmut pineqartumut tunngatillugu apeqqummut namminneq soqutigisaqarnerat / soqutigisaqarsinnaanerata eqqarsaatigalugu.

§37_211/2019-imut akissutini paatsuugassaangitsumik oqaatigineqanngilaq Naalakkersuisut Siulittaasuata aalisarnissamut akuersissummik peqarnera soq peqannginnersorluunniit, tamatumalu ersarissumik oqaatigineqarnissaa siunertaralugu apeqqutigisakka nassiuppakka. Tassami isertitaqaataasumik aalisarnermik inuussutissarsiut cv-mut allassimagaanni paasinninnera naapertorlugu tamanna aalisarnermit akuersissummik tunngaveqartariaqarmat.

Aalisarnermit akuersissummik Naalakkersuisut Siulittaasuata peqarsimappat tamatuma malitsigisariaqarpaa aalisarnerup qanoq annertutigisumik ingerlanneqarnerata nalunaarutigisissaa, aammalu aalisarfigisaani aqutsiveqarfimmik pilersitsinissamut atatillugu sulinermit Naalakkersuisut Siulittaasuata akuusinnaanginneranik / aalajangeeqataasinnaanginneranik tamanna malitseqarnera soq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.